



МЕСЯЦА НОЯБРЯ В 21-Й ДЕНЬ

**Введение (Вход) во храм
Пресвятыя Владычицы нашей
Богородицы и Приснодевы Марии**

НА МАЛОЙ ВЕЧЕРНИ

На Господи, воззвах, стихиры, глас 1.

Подобен: Небесных чинѡв:



Дт Господа приѣмше обещанія плод, /
Иоакимъ и Анна Божію Матерь, / благопри-
ятную жертьву, в храм введоша днесь, // и
Захарія, великий архиерей, благословивъ,
приятъ. **Дважды**

Святыхъ святая во святыхъ обитати достойно
введется, / яко Богоприятна жертва. / И Сію дѣвы,
добродѣтелями благоукрашаемы, / впредѣ свеще-
носяще, приведоша Господу, / якоже сосудъ свя-
щеннейший.

Да отверзется дверь Богоприятнаго храма: /
храмъ бо всехъ Царя и Престолъ, / днесь со славою
внутрь приѣмъ, / Иоакимъ возлагаетъ, освятивъ
Господу / от Него избранную в Матерь Его.

Слава, и ныне, глас 8:

Давидъ провозглашаше Тебѣ, Пречистая, / про-
видя освященіе входа Твоего в храмъ, / в немже
концы, днесь празднующе, / славословятъ Тя, Все-
петая: / яже бо прежде Рождества Дѣва / и по

Рождествѣ пребывши нетлѣнна, Мати Слѡва Жйз-ни./ Днесь в храмѣ Захарія веселѣтся, воспріем Тя, Владычице,/ и святая святыхъ радуются,/ подыѣмши Тя, истѡчника жйзни нашея./ Тѣмже и мы псалѡмски вопіемъ Ти:// о насъ моли Сына Твоего и Бѡга нашего, даровати намъ велию милость.

На стихѡвне стихиры, гласъ 2.

Подѡбен: Дѡме Евфрафовъ:

Двери Небесныя, примите Дѣву/ во святая святыхъ,/ нескверную же Скинию Бѡга Вседержителя.

Стих: Приведутся Царю дѣвы в следъ Ея,/ искренниа Ея приведутся Тебѣ.

Дѣвственнии лицы, Чистую приѣмлите Дѣву,/ свѣтло сщесеносяще во святая святыхъ,/ яко Невѣсту Бѡга Всецаря.

Стих: Приведутся в весѣлии и радовании,/ введутся в храмъ Царевъ.

Хлебъ словесный Чертогъ Бѡжия Слѡва/ изъ руки Божественнаго Ангела/ приѣмлетъ, обитаючи во святая святыхъ.

Слава, и ныне: Подѡбенъ тойже:

Светъ Тя Трисиянный,/ възгнши, Богородице, в храмѣ славы,// Небесную Ти пищу посылаетъ, величая Тя.

Тропарь, гласъ 4: Днесь благоволенія Бѡжия предображеніе: **трижды (зри страницу 173)**

НА ВЕЛИЦЕЙ ВЕЧЕРНИ

Стихологисѹемъ Блаженъ мужъ: 1-й антифѡнъ. **На Господи, воззвахъ: стихиры на 8, гласъ 1.**

Подѡбен: О, дивнаго чудесе!

Днесь, вернии, ликовствуѹимъ,/ во псалмѣхъ и пѣснѣхъ Господевѣ поюще/ и чтуще Того священную Сень,/ одушевленный Кивѡтъ, невместимое Слѡво вмѣстившую:/ приводится бо Господевѣ,/ паче естества плѡтию младенствующи,/ и святитель великий Захарія/ приѣмлетъ с весѣлиемъ Сію,/ яко Бѡжіе Жилище.

Днесь храмъ одушевленный святѣя славы/ Христа Бѡга нашего,/ едина в женахъ Благословенная

Чистая, / приводится в храм законный жити во святых; / и радуются с Нёю Иоаким и Анна духом, / и девственный лица Господеви поют, / псаломски воспевающе и чтуще Матерь Его.

Ты — пророков проповедание, / апостолов слава, и мучеников похвала, / и всех земнородных обновление, / Дево Мати Божия: / Тобою бо Богу примиримся. / Тёмже чтим Твое в храм Господень вхождение / и со Ангелом вси песенно, / радуйся, Тебе, Пречистая, вопиём, / Твоими молитвами спасаеми.

Ины стихиры, глас 4.

~~Подобен. Яко добля:~~

Во святых святая*, Святая и Непорочная, Святым Духом вводится / и святым Ангелом питается, / сущи святейший храм Святаго Бога нашего, / всяческая освятившаго входом Ея / и обожившаго естество земных попользшееся.

Дважды

Отроковицы, радующеся и свещи имуще, / Свещи днесь предходят разумней** / и вводят Сию во святая святых священно, / проявляюще хотящую Зарю неизреченно из Нея возсияти / и просветити во тьме седящая неведения Духом.

Веселяся, примим, Захарие, / возопи Анна всехвальная, / Юже проповедаша Божии пророцы Духом, / и Сию введи во святей храм священно воспитатися, / яко да будет Владыки всех Божественный престол, / и палата, и одр, и светозарное обителище.

Слава, и ныне, глас 8:

По рождестве Твоем, Богоневесто Владычице, / пришла еси в храм Господень / воспитатися во святая святых, яко освященна; / тогда и Гавриил послан бысть к Тебе, Всенепорочней, / пищу Тебе принося. / Небесная вся удивившася, / зряще Духа Святаго, в Тя всельшася. / Тёмже, Пречистая и Нескверная, / яже на Небеси и на земли славима, / Мати Божия, спаси род наш.

* во святых святая (святая святых) — самая важная часть скинии, в которую входил первосвященник однажды в год для принесения жертвы (Евр. 9, 1—10)

** Свещи... разумней — Божией Матери

Вход. Прокімен дне. Чтѣнія 3.**Исхода чтѣние (глава 40):**

Глагола Господь к Моисею, глаголя:/ в день един мѣсяца перваго/ поставиши скинию свидѣнія,/ и вложиши кивот, и покрѣеши его завесою./ И внесеши трапѣзу и свѣтѣльник ея,/ и положиши кадильницу златую,/ во еже кадити пред кивотом свидѣнія./ И положиши покрѣв завѣсы над дверми скинии свидѣнія./ И возмеши елей помазания и помажеши скинию/ и вся, яже в ней, и освятиши ю/ и вся сосуды ея, и будет святѣя./ И освятиши жертовенник, и будет жертовенник святѣя святых./ И сотвори Моисей вся,/ елика заповѣда ему Господь Бог Святый Израилев./ И покрѣ облак скинию свидѣнія,/ и славы Господни исполнися скиния./ И не можаше Моисей внѣсти в скинию свидѣнія,/ яко осеняше над нею облак,/ и славы Господни исполнися скиния.

Царств трѣтиих чтѣние (глава 8):

Бысть, яко соверши Соломон еже создати дом Господень./ И собра вся старцы Израилевы в Сион/ вознести кивот завета Господня из града Давидова,/ сей есть Сион./ И взяша священницы кивот завета Господня,/ и скинию свидѣнія, и вся сосуды святѣя,/ яже в скинии свидѣнія./ И царь, и весь Израиль пред кивотом./ И внесоша священницы кивот завета Господня на мѣсто его,/ в давр* храма, во святѣя святых, под крѣла Херувимов./ Яко Херувими бяху распростѣрты крѣлами над мѣстом кивота,/ и покрываху Херувими над кивотом/ и над святѣя его свѣшше./ И не бе в кивоте, кромѣ двух скрижалей завета,/ яже положи тамо Моисей в Хоривѣ, яже завета Господь./ И бысть, яко изыдоша священницы от святѣго,/ и облак исполни дом./ И не возмогоша священницы стати служити от лица облака,/ яко исполнися славы дом Господа Бога Вседержителя.

Пророчества Иезекиилева чтѣние**(главы 43 и 44):**

Тако глаголет Господь:/ будет от дне осмаго и прочее,/ сотворят иереи на олтарѣ всесожжѣнія

* давр — прорицалище; так называлось святое святых

ва́шего/ и я́же спасе́ния ва́шего,/ и прииму́ вы,
глаго́лет Адо́най Госпо́дь./ И обрати́ мя на путь
врат святы́х вnéшних,/ зря́щих на востóки,/ и сия́
бѣху затворе́на./ И рече́ Госпо́дь ко мне:/ врата́
сия затворе́на бу́дут и не отве́рзутся,/ и никто́же
про́йдет сквозе́ их,/ я́ко Госпо́дь Бог Изра́илев
про́йдет ѿми, и бу́дут затворе́на./ Я́ко игу́мен
сядет в них снести́ хлеб,/ по пу́ти Ела́мских врат
вни́дет и по пу́ти его́ изы́дет./ И введе́ мя по пу́ти
врат святы́х, су́щих к се́веру, пра́мо до́му,/ и
ви́дех,/ и се́ испо́лнь сла́вы дом Госпо́день.

На литии стихиры, глас 1. Самогласны.

Георгия Никомидийскаго:

Да ра́дуется днесь Не́бо свѣ́ше,/ и о́блацы
весе́лие да кро́пят/ о зело́ пресла́вных вели́чиих
Бо́га на́шего:/ се бо Дверь, на востóки зря́щая,/
ро́ждшися от непло́дове беспло́дная по
обетова́нию/ и Бо́гу освяще́на бѣ́вши в жили́ще,/
днесь в храм я́ко непоро́чное приноше́ние приво́-
дится,/ да ра́дуется Дави́д, бряца́я в гу́сли:/
приве́дутся, рече́, Царю́ де́вы в след Ея́,/ бли́жняя
Ея́ приве́дутся внутрь ски́нии Бо́жия,/ внутрь
очисти́лица Его́,/ воспита́тся в жили́ще/ пре́жде
век от Отца́ нетле́нно Ро́ждшагося/ во спасе́ние
душ на́ших.

Глас 4.

Днесь Боговместимый храм, Богородица,/ в
храм Господень приводится,/ и Захария Сию
приёмлет:/ днесь святая святых радуются,/ и лик
Ангельский таинственно торжествует./ С нимиже
и мы, празднующе днесь, с Гавриилом возопийм:/
ра́дуйся, Благода́тная, Госпо́дь с Тобо́ю,/ имей
ве́лию ми́лость.

Приидите, вси вѣрнии,/ еди́ну Непоро́чную
восхва́лим,/ от проро́ков пропове́данную и в храм
приве́денную,/ пре́жде век прона́реченную
Ма́терь/ и в послéдняя лéта я́вляющуюся Богороди-
цу./ Го́споди, моли́твами Ея́/ мир Твой пода́ждь
нам и ве́лию ми́лость.

Сла́ва, и ны́не, глас 5. Леонта майстра:

Воссия́ день ра́достен/ и пра́здник всече́стен:/
днесь бо я́же пре́жде Рожде́ства и по Рожде́стве

Дѣва пребывши, / в храм Господень приводится, / и радуется Захарія старец, родитель Предтечев, / и вопиет весело: / приближися, Предстательница скорбящих, / в храм святой, яко Свята, / освятитися во обителище Всецаря. / Да веселится Иоаким праотец, и Анна да радуется, / яко принесоша Богу яко трилетствующую Юницу / непорочную Владычицу. / Матери, срадуйтесь, дѣвы, възиграйте, / и неплоды, сликовствуйте, / яко отверзе нам Небесное Царство пронареченная Всецарица, / радуйтесь, людие, и веселитесь.

На стиховне стихиры, глас 5:

Подобен: Радуйся:

Радуйся, Небо и земля, / Небо Умное грядущее зряще, / в Божественный дом воспитатися честно, / Дѣву едину и непорочную, / к Нейже, дивясь, Захарія вопиаше: / Двере Господня, храма отверзаю Тебѣ двери, / радующися, в нем ликовствуй, / познах бо и веромах, / яко уже избавление придет проявлено Израилево / и родится из Тебѣ Бог Слово, / даруяй мірови велию милость.

Стих: Приведутся Царю дѣвы в след Ея, / искренния Ея приведутся Тебѣ.

Анна Божественная благодать яве, / от благодати данную, чистую Приснодѣву / приводит с веселием в храм Божий, / призвавши ити пред Нею отроковицам, / свещи носящим, и глаголющи: / поиди, Чадо, / Давшему Тя буди возложение и благовонный фимиам. / Вниди в незаходямая, и увѣждь тайны, / и уготовися быти Иисусово вместилище, веселое и красное, / подающего міру велию милость.

Стих: Приведутся в веселии и радовании, / введутся в храм Царев.

Внутрь в храм Божий / Боговместимый храм возлагается, Дѣва Всесвятая, / и отроковицы Ея ныне, свещи носяще, предходят. / Играет родителей сопряжение изрядное, / Иоаким же и Анна, ликовствующе, / яко родиша Творца рождшую, / Яже ликовствующи в Божественных скиниях / и питаема рукою Ангеловою, Всенепорочная, / Христа явися Мати, / Подающего міру велию милость.

Слава, и ныне, глас 6. Сѣргия Агиополита:

Днесь собори вѣрных, сошедшеся, / духовне да торжествуим / и Богоотроковицу Дѣву и Богородицу, / в храм Господень приводиму, / благочестно восхвалим, / предъизбранну от всех родов, / во обителище всех Царя Христа и Бога: / дѣвы, свещи носяще, предъидите, / Приснодѣвы чтуще честное происхождение, / матери, печаль всю отложивше, / радостно спослѣдствуйте Матери Бога бывающей / и радости мира Ходатаице. / Все убо радостно, / еже радуися, со Ангелом возопийм Обрадованней, / присно молящейся о душах наших.

На благословѣнии хлѣбов, тропарь, глас 4:

Днесь благоволенія Божія предображеніе / и человеков спасенія проповѣданіе / в храмѣ Божіи ясно Дѣва являється / и Христа всемъ предвозвѣщает. / Той и мы велегласно возопийм: / радуися, смотренія Зиждителява исполненіе.

Трижды

зри А идеже всенощнаго бденія несть, на велицей вечерни тропарь глаголемъ единойды.

НА УТРЕНИ

На Бог Господь: тропарь: Днесь благоволенія Божія: трижды.

По 1-м стихословіи седален, глас 1.

Подобен: Лик Ангельскій:

Праведныхъ плод, Иоакима и Анны, приносится Богу во святилище святое, / плотию младенствующи, Питательница Жизни нашея, / Юже благослови священныи Захарія: / Сію вси яко Матерь Божию вѣрно да ублажимъ.

Слава, и ныне, тойже.

По 2-м стихословіи седален, глас 4.

Подобен: Удивися Иосиф:

Прежде зачатія, Чистая, освятилася еси Богу / и, рождшися на земли, дар принеслася еси ныне Ему, / исполняючи отеческое обещаніе: / в Божественномъ же храмѣ, яко сущо Божественный храм, / от младенства чисте, со свещами светлыми отдана бывши, / явилася еси Приятелище Непреступнаго и Божественнаго Свѣта. / Велико во-

истинну предшествование Твое, / едина Богоневесто и Приснодево.

Слава, и ныне, тойже.

Величание:

Величаем Тя, / Пресвятая Дево, / Богоизбранная Отроковице, / и чтим еже в храм Господень / вхождение Твое.

Но поплемей седалем, глас 8.

Подобен: Повеленное тайно:

Да радуется Давид песнописец, / и да ликовствует Иоаким со Анною, / яко плод святыи из них произыде, / Марія светоносная, Божественная свеща, / и радуется, входящи в храм, / Юже и, зря, благослови Варахиин сын / и, радуясь, взываше: / радуйся, Чудо всемирное.

Слава, и ныне, тойже.

Таже степенна, 1-й антифон 4-го гласа. Прокимен, глас 4: Слыши, Дщи, и виждь, и приклони ухо Твое. Стих: Отрину сердце Моё слово благо: Прокимен: Всякое дыхание / да хвалит Господа. Стих: Хвалите Бога во святых Его: Евангелие от Луки, зачало 4.

По 50-м псалме, вместо Молитвами Богородицы:

Слава, глас 2:

Днесь храм одушевленный и Великаго Царя / в храм входит / Тому уготоватися в Божественное жилище. / Людие, веселитесь.

И ныне, тойже.

Таже, Помилуй мя, Боже:

Стихира самогласна, глас 4:

Днесь Боговместимый храм, Богородица, / в храм Господень приводится, / и Захария Сию приемлет; / днесь святая святых радуются, / и лик Ангельский таинственно торжествует. / С нимиже и мы, празднующе днесь, / с Гавриилом возопийм: / радуйся, Благодатная, Господь с Тобою, / имеяй велию милость.

Канона праздника два: первый со ирмосом на 8. Ирмос по дважды, тропари на 6. Творение Георгиево. Егже краеграние: Ты благодать, Владычице, слову даждь. Глас 4.

Песнь 1

Ирмос: Отвѣрзу уста моя, / и напълнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Той вхождение.

Премудрости, Пречистая, Ты сокровище вѣмы и благодати, / точащую источник приснотекущий разума, / просим: Твоя капли одожди, Владычице, еже воспевати Тя присно.

Превышши, Пречистая, Небес бывши, храм и палата, / в храм Божий возложила еси / Тому уготоватися в Божественное жилище пришествия Его.

Свет возсиявши Богородица благодати, / вся просвети и совокупи пресветлое Ея украсити торжество пѣснями: / приидите, к Ней стецемся.

Дверь славная, помыслы непроходимая, / двери отверзши храма Божия, / ныне повелевает нам, совшедшим, / Божественных Ея чудес насладитися.

Другий канон праздника,
подобне со ирмосом на 8.

Ирмос по дважды, тропарі на 6. Творение Васильево, глас 1.

Песнь 1

Ирмос: Песнь побѣдную поим вси Богу, / сотворшему дивная чудеса мѣшцею высокою / и спасшему Израиля, яко прославися.

Стецемся днесь, Богородицу почитающе пѣснями, / и торжествуим духовный праздник: / в храм бо Богу дар приносится.

Пѣснями да воспоим Богородицы славное предшествие: / к храму бо днесь, яко храм Божий, / приносится пророчески дар многоценный.

Анна непорочная радовашеся, / яко дар многоценен Богу приносящи в храм матерски, / Иоаким же с нею торжествует светло.

Давид, праотец Твой, воспе Тя древле, Дево Богоневѣсто, / Дщерь глаголя Тя Царя Христа, / Егоже и, родивши, матерски Младенца дойла еси *.

* дойла еси — питала, кормила грудью

Плотию трилѣтствующи, Богородица Господу приносится; / Захарія же Сію, священник Божій, приѣм, / радуясь, в храм возложи.

Дѣвы, ликовствуйте, / священосицы, начните днесь, / и матери, воспойте Царице Матери, / приходящей в храм Царя Христа.

Слава,

Троицен: Троице Единосущная, / Отче, и Слове, и Душе Святый, / Ты верно славим, яко Творца всех, / и Тебѣ вопіем благочестно: / спаси ны, Боже.

И ныне,

Богородичен: От багра кровей Твоих, червлицею, Пречистая, одѣваясь, / прошед, обнови Царь и Бог род весь человеческий благоутробіем Своим.

Катавасія (оба лика вкупе): Христос рождается — славите, / Христос с Небес — срящите. / Христос на земли — возноситеся. / Пойте Господеву, вся земля, / и веселием воспойте, людие, / яко прославися.

(От сего дне катавасія сия поется до 1-го дне января).

Песнь 3

Ирмос: Твоя песнословцы, Богородице, / живый и независтный источник, / лик себе совокупльшия, духовно утверди, / в честном вхождении Твоем / венцев славы сподоби.

Невестокраситель днесь явился красный Дѣвы храм и чертог, / приѣм одушевленный чертог Божій, / Чистую, и Непорочную, и Светлейшую всея твари.

Давид, предначиная ликование, играет, и ликовствует с нами, / и Царицу зовет Ты украшену, Пречистая, / предстоящу, Всечистая, в храме Царю и Богу.

Из неяже * преступление произыде древле роду человеческому, / из Той ** исправление и нетление процветѣ: / Богородица днесь приводима в дом Божій.

* из неяже — от той, то есть Евы

** из Той — от Этой, то есть Пресвятой Богородицы

Играют Ангельская воинства и всех человек множество, / и пред лицем, Пречистая, предтекут Твоим днесь священосицы, / зовуще величества Твоя в дому Божии.

Ин

Ирмос: Да утвердится сердце мое в воли Твоей, Христэ Бóже, / Иже над водами Небо утверждёй второе / и основавый на водах землю, Всесильне.

Торжествуим, празднующи, и срадуемся духом / во святем празднике, учреждающемся днесь, Дщере Царевы / и Матере Бóга нашего.

Иоакиме, радуйся днесь, / и веселися, Анно, духом, / рожденную из вас Господу приводяще трилétствующу, / яко Юницу Чисту Всенепорочную.

Божие селение во храм святыи приводится, Богородица Мариам, / плотию трилétствующая, / и Той свещесвѣтят дѣвы, предтекуще.

Божия Агница неблазненная и голубица нескверная, / Боговместимая скиния, славы освящение, / в скинии святей обитати избра.

Трилétствующая телом и многолétствующая духом, / ширшая Небес и Горних сил превышшая, / да восхваляется песньми Богоневестная.

Богородицы празднующе в невходимых предшествоие, / свещеимуще умно с веселием, / днесь и мы с дѣвами к храму приближимся.

Священницы Божии, / облецытеся в правду благодатию и срящите светло, / входы подающе Дщери Царя и Бóга во святая.

Слава,

Трóичен: Свет Отец, Свет Сын Его, Свет Дух Утешительный: / яко от Солнца бо Единого Трóицы, сияюще, / Божественно озаряет и соблюдает души наша.

И ныне:

Тя пророцы проповѣдаша кивот, Чистая, святыни, / кадильницу златую, и свѣщник, и трапѣзу, / и мы, яко Боговместимую скинию, воспеваем Тя.

Катавасия: Прѣжде век от Отца рожденному нетлénно Сыну / и в послѣдняя от Дѣвы / воплощенному безсеменно, / Христú Бóгу возопийм: / вознесый рог наш, / свят еси, Господи.

Седáлен, глас 4.

Подóбен: Удивíся Ио́сиф:

Возопíй, Давíде, / что сей настоя́щий пра́здник, / Ю́же воспéл еси́ иногдá в кни́зе псалом-стей, / я́ко Дще́рь Богоотрокови́цу и Дéву. / Приве-дúтся, рече́, Царю́ та́инственно дéвы во след Ея́ и бли́жния Ея́. / И дíвен соде́лай и всеми́рен пра́здник зовúщим: / Богороди́ца нам предста́, спасéния Ходáтаица.

**Сла́ва, и ны́не,
глас и подóбен то́йже:**

Непорóчная А́гница и нескве́рный черто́г, / в дом Бо́жий Богороди́ца Мариáм с весе́лием вво-дится пресла́вно, / Ю́же А́нгели Божи́и доринóсят ве́рно, / и вси ве́рнии блажа́т прíсно / и благодар-
ственно пою́т Ей непреста́нно ве́лиим гла́сом: / на́ша сла́ва и спасéние Ты еси́, Всенепорóчная.

Песнь 4

Ирмо́с: Неизсле́дный Бо́жий Совет / э́же от Дéвы воплоще́ния / Тебе́, Вы́шняго, проро́к Авва-ку́м, усмотря́я, зовя́ше: / сла́ва си́ле Твое́й, Го́споди.

Дверь непрохо́дную Бо́жий дом прие́мля днесь, / преста́ти сотвори́ всякой слу́жбе закон-
ной, / я́ко исти́нно яви́ся, зовы́й, / су́щим на земл́и И́стина.

Гора́ присе́нная, ю́же прови́де дрéвле Авва-ку́м, / предпропове́да вну́тр вместившу́юся в не-
ходных хра́ма, / добродéтели процвётши, и покры-
ва́ет концы́.

Ви́девши пресла́вная вся земля́ стра́нныя же и дívныя вéщи, / ка́ко Дéва, от А́нгела пи́щу прие́м-
лющи, / о́бразы строéния но́сит.

Храм, и пала́та, и Не́бо одушевлéнное я́вльши-
ся, Богоневéсто Царе́ва, / во храм законный приво-
ди́ма днесь, / Тому́ соблюда́ема, Пречи́стая.

Ин

Ирмо́с: Ду́хом прови́дя, проро́че Авваку́ме, Словесé воплоще́ние, / пропове́дал еси́, вопи́я: / внегда́ прибл́ижитися лétом, позна́ешися, / внегда́ приити́ вре́мени, пока́жешися. / Сла́ва си́ле Твое́й, Го́споди.

Пророче Исаие, прорцы нам, / Дѣва кто есть, имущая во чрѣве? / Яже из Иудина корене прозябши / и рождшися из Давида царя, / семене святаго плод благославный.

Начинайте, дѣвы, и воспойте пѣсни, / рукамы держаще свещи, Чистыя Богородицы предшествоие хваляще, / ныне грядущия во храм Божий, купно с нами празднующе.

Иоакиме и Анно, веселитесь ныне, / во храм приводяще Господень Чистую Бѣгу Матерь Христа Всецаря будущую, / от вас же рождшуюся, яко трилѣтствующую Юницу.

Святая святыхъ сущи, Чистая, / во храм святыи возлюбила еси вселитися / и, со Ангелы, Дѣво, бесѣдующи, пребываеши, / преславне с Небесъ хлебъ приѣмлющи, Питательнице Жизни.

Рождше паче надежды Пречистую Дѣву, / благочестиво обещахуся Бѣгу принести / и исполняютъ, дающе яко жертьву, рожденную отъ нихъ, / Иоакимъ днесъ и Анна, в дом Божий.

Прозябѣ жезлъ иногда Аароновъ, / прообразующий, Чистая, Божественное Рождество, / яко безсеменно зачнеши, и нетленна пребудеши, / и по рождествѣ дѣвствующи явѣшися, / Младенца питающе — всехъ Бѣга.

Дѣвы — Дѣву, и матери — Матерь / благочестно стецѣтеся почитати с нами рождшуюся / яко непорочную жертьву и рожденную Бѣгу плодоносимую, / вси убо свѣтло празднуемъ.

Слава,

Троицен: Троицу Лицы, Единицу образомъ, / благочестно славимъ Бѣга Истинна, / Егѣже поютъ Ангельская и Архангельская чиноначалія яко твари Владыку, / и человецы вѣрно, покланяющеся присно.

И ныне:

Моли непрестанно, Пресвятая Чистая, / Егѣже плотию родила еси, Сына Твоего и Бѣга, / отъ многообразныхъ сетейъ диаволихъ и отъ всякихъ искушенийъ находящихъ вся избавити рабы Твоя.

Катавасія: Жезлъ изъ корене Иессеева / и цветъ отъ него, Христѣ, / отъ Дѣвы прозябл еси, / изъ горы, Хвальный, приосененныя чащи, / пришелъ еси,

воплóщся от Неискусомужныя, / Невещественный
и Бóже: / слава силе Твоей, Гóсподи.

Песнь 5

Ирмós: Ужасóшася всяческая / в честнём вхож-
дénии Твоём: / Ты бо, Неискусобráчная Дéво, /
внутрь вошлá еси в храм Бóжий, / я́коже чистей-
ший храм, / всем воспева́ющим Тя // мир подава́-
ющая.

Свящénие сла́вное и свящénное возложénие, /
днесь Пречíстая Дéва, возложившися в храм
Бóжий, / Всецарю́ нашему́ Бóгу Еди́ному в жилище
соблюда́ется, / я́ко вестъ Сам.

Добро́ту, Пречíстая, ду́ш Твоея зря некогда, /
ве́рою Заха́рия возопи́: / Ты еси́ избавлénие, Ты
еси́ всех ра́дость, / Ты еси́ воззвáние на́ше, / Ё́юже
Невмéstный вмещén мне явится.

О, па́че ума́ чудес Твоих, Всечíстая! / Стрáнное
Твое́ рождество́ есть, / стрáнен о́браз возвращénия
Твоего́, / стрáнна и преслáвна Твоя́, Богоневéсто,
вся / и челове́ки несказáнна.

Свёщник многосвётлый сýщи, Богоневéсто, /
днесь возсия́ла еси́ в до́му Гóсподни / и озаряеши
ны честны́ми даровáнии, Чíстая, / чудес Твоих,
Богорóдице всепéтая.

Ин

Ирмós: Свётлый нам возсия́й Свет Присносýщ-
ный, / у́тренюющим о судьба́х за́поведей Твоих, /
Влады́ко Человеколю́бче, Христé Бóже наш.

Да светлонóсим, правослáвнии вси, стека́юще-
ся и сла́вяще Богомáтерь, / я́ко Гóсподу днесь
привóдится / я́ко жéртва благоприятна.

Да веселя́тся пра́отцы днесь, Влады́чице, / и да
ра́дуется ро́ждшая Тя со отце́м Твои́м, / я́ко плод
их Гóсподу прино́сится.

Многоименíтую и сла́внейшую Непорóчную
Ю́ницу*, / я́ко плóтию ро́ждшую Божéственного
Тельца́, / вси воспойм, ве́рно праздную́ще.

Уневéщения написýются Божéственная
зна́мения / па́че ума́ рождества́ Твоего́, Чíстая
Дéво, / днесь Дýхом Святы́м в до́му Бóжи.

* Ю́ницу — Телушку

Да отвѣрзутся преддверія славы Бѣга нашего / и да приѣмлют Неискусобращную Бѣжую Матѣрь, / ѣкоже трилѣтствующую Несквѣрную Юницу.

Многочестную и присѣнную гѣру воспойм— / Приснодѣву, Бѣжую Матѣрь бѣвшу: / Та бо облистѣ свет в концѣх.

Слава, Троицен: Преначальное и Присносущное Едино Божество славословяще, поклонимся, / Трѣми Лицы естеством нераздѣльное / и славою равночестное.

И ныне: Пристанище благоутѣшное и необоримую стѣну стяжахом, / молитву Твою во обстояніих, Богородительнице, / всегда избавляеми бед и скорбей.

Катавасія: Бог сый міра, Отец щедрот, / Великаго Совѣта Твоего Ангела, / мир подавающа, послал еси нам: / тем, Богоразумія к свету наставляшесе, / от нощи утренююще, / славословим Тя, Человеколѣбче.

Песнь 6

Ирмос: Божественное сіе и всечестное / совершающе празднество, / Богомудрии, Богоматере, / приидите, руками восплещим, / от Нея рождагося Бѣга славим.

Всяческая Носй глаголом, / молитву праведных услыша. / Тѣмже неплодныя разрешил еси недуг, ѣко Благоутрѣбен, / радости Винѣвную сим дарова.

Сказати хотѣ Господь языком Своѣ спасѣние, / Неискусобращную ныне от человекъ прийт, / примирѣнія знамение и обновлѣнія.

Ѧко дом сущи благодати, / в немже сокровища лежат неизреченнаго Бѣжия строѣнія, Всечистая, / в храмѣ причастилася еси нетлѣнные сладости.

Диадиму Тя царскую приѣм, / храм, Богоневѣсто, просвѣщаешесе / и подступаше лучшим, / предреченных зря на Тебѣ сбытіе.

Ин

Ирмос: Пророка Иѣну подражая, вопию: / живѣт мой, Блаже, свободи из тли / и спаси мя, Спасе міра, зовуща: слава Тебѣ.

Празднуим, вѣрнии, праздникъ духовный Матере Божия, / воспевающе благочестно: / есть бо святѣйша Небесныхъ умовъ.

Пѣсньми духовными восхвалим, вѣрнии, Матерь Свѣта, / яко днесь намъ явился, / предходящи в храм Божий.

Несквѣрная Агница и Чистая Голубица / приведѣся обитати в дом Божий, / яко Непорочная, пронареченная быти Мати Божия.

В храм законный входы совершает храм Божий, Небесная скиния, / из неяже нам, сущим во тьме, Свет возсия.

Младенствующи плотию и совершена душею, / Святый Кивотъ в дом Божий входит / воспитатися Божественною благодатию.

От всякихъ искушений и бедъ душевныхъ свободны, / притекающия к Тебѣ, Всепетая, / Твоими мольбами, Мати Христа Бога.

Слава,

Троичен: Отецъ, и Сынъ, и Духъ правый, / Триипостасная Единице и Неразделимая Троице, / помилуй покланяющихся Божественней Державѣ Твоей.

И ныне:

Во чреве Твоемъ вмещенъ Невместимый всеми, Богомати, быв, / из Тебѣ произыде, Пречистая, / сугубъ естествомъ Богъ и Человѣкъ.

Катавасия: Изъ утробы Иону младенца изbleва морской зверь, / якова пріятъ, / в Дѣву же всельшеся Слово / и плоть пріемшее пройде сохранившее нетленну. / Егѡже бо не пострадѣ истлѣнія, / Рѡждшую сохрани неврежденну.

Кондакъ, гласъ 4.

Подобенъ: Вознесыйся:

Пречистый храмъ Спасовъ, / многоценный чертогъ и Дѣва, / священное сокровище славы Божия, / днесь вводится в домъ Господень, / благодать совводящи, / Яже в Дусѣ Божественномъ, / Юже воспеваютъ Ангели Божии: // Сія есть селѣние Небесное.

Икосъ:

Неизреченныхъ Божиихъ и Божественныхъ таинъ / зря в Дѣвѣ благодать являемую и исполняемую

явственно, / радуясь и образ разумети недоумё-
юся, странный и неизречённый: / како избранная,
Чистая, Еди́на явися па́че всея́ тва́ри ви́димыя и
разумева́емая? / Те́мже восхвали́ти хотя́ Сию́,
ужаса́юся зело́ умом же и сло́вом, / оба́че дерза́я,
пропове́даю и велича́ю: / Сия́ есть селёние Небе́с-
ное.

Песнь 7

Ирмо́с: Не послужи́ша тва́ри Богому́дрии / па́че
Созда́вшего, / но, о́гненное преще́ние му́жески
попра́вше, / ра́довахуся, пою́ще: // препе́тый отце́в
Госпо́дь и Бог благослове́н еси́.

Се днесь возсия́ концём весна́ ра́достная, /
просвеща́ющи на́шу ду́шу, и помышле́ние, и ум
благодáтию, / торже́ством Богоро́дицы днесь та́ин-
ственно да учредимся.

Да дароно́сят днесь вся́ческая Цари́це, Ма́тери
Бо́жии / Не́бо и земля́, и А́нгелов чи́ни, и челове́ков
мно́жество / и да вопи́ют: / во храм вво́дится
Ра́дость и Избавле́ние.

Писа́ние мимоте́че и оскуде́ зако́н, я́коже сень, /
и благодáти лучи́ возсия́ша в храм Бо́жий вше́д-
шей Тебе́, Де́во Ма́ти Чистая, / в нем благослове́н-
ная.

Повину́ся Рожде́ству́ Твоему́, Всечистая, / я́ко
Творцу́ и Бо́гу Не́бо, и земля́, и преиспо́дняя, / и
всяк язы́к земных испове́дает, / я́ко Госпо́дь явися́,
Спас душ на́ших.

Ин

Ирмо́с: Пещь, Спа́се, ороша́шеся, / о́троцы же,
лику́юще, пояху: / отце́в Бо́же, благослове́н еси́.

Ликовству́им, празднолю́бцы, днесь, / воспо́им
Чистую Влады́чицу, / Иоакима́ и А́нну досто́йно
чту́ще.

Проро́честву́й, Дави́де, глаго́ля Ду́хом: / приве-
дуться де́вы вслед Тебе́, / приведутся Тебе́ во храм
Цари́це Ма́тери.

Ра́довахуся А́нгелов чи́ни, / веселя́хуся пра́вед-
ных ду́си, / я́ко Бо́жия Ма́терь во свята́я приво́дит-
ся.

Приёмлю́щи пи́щу Небе́сную, / преспева́ше му́д-
ростию и благодáтию, / бывши Ма́ти по плóти
Христа́ Бо́га.

И тѣлом и дѣхом радовашеся, / пребывающе
Марія Непорѣчная во храмѣ Божіи, / якоже сосѹд
священнейшій.

Введѡша Тя во внѹтреннейшее храма целомѹд-
реннии родителие Твои, Пречистая, / воспитатися
странно в жилище Христа Бѡга.

Слава,

Трѡицен: Прославим Трѡицу Нераздѣльную, /
воспойм Едино Божество / со Отцем Слово и Дѹха
Всесвятаго.

И ныне:

Моли, Егѡже родила еси, Господа, / яко благоут-
рѡбна естеством сѹща, Богородительнице, / спаси
дѹши воспевающих Тя.

Катавасія: Отроцы, благочестію совоспита-
ни, / злочестиваго велѣния небрегше, / ѡгненнаго
прещенія не убоишася, / но, посреде пламени
стояще, пояху: / отцев Бѡже, благословен еси.

Песнь 8

Ирмос: Слыши, Остроковице, Дѣво Чистая, / да
речет ѹбо Гавриїл / Совѣт Вышняго, древний,
истинный: / бѹди к пріятію готѡва Божію, / Тобѡю
бо Невместимый с человеки поживѣ. / Тем и
радуясь, вопію: / благословите, вся дела Господ-
ня, Господа.

Пречистый храм в дом Божій приводящи Анна
иногда, / вопіюще, с вѣрою рече священнику: /
чадо, от Бѡга данное мне, приим ныне, / введи во
храм Зиждителя твоего / и, радуясь, пой Емѹ: /
благословите, вся дела Господня, Господа.

Рече, видеви, Анне иногда Дѹхом Захарія: /
Жизни Матерь вводиши истинную, / Юже свѣтло
пророцы Божіи Богородицу проповѣдаша, / и
како храм вместит Ю? / Тем чудясь, вопію: /
благословите, вся дела Господня, Господа.

Рабѡ Божія бых аз, — отвѣща Анна емѹ, — /
призывающе Сего вѣрою и молитвою, пріяти моея
болѣзни плод, / по пріятіи же рожденную приве-
сти Давшему Ю. / Тем, зовѡ, вопію: / благословите,
вся дела Господня, Господа.

Законное войстинну дѣло есть, — священник
рече ей, — / странну же весьма вещь поразумѣваю, /

зря Приводимую в дом Божий, / преславно превосходящую святая благодатию. / Тем и радуясь, вопию: / благословите, вся дела Господня, Господа.

Возмогаю, — рече Анна ему, — знаящи, яже глаголеши, / разумееш бо сия Духом Божиим, / ясно яже Девы проповедал еси; / приими убо Пречистую в храм Создателя твоего / и, радуясь, пой Ему: / благословите, вся дела Господня, Господа.

Светоносна нам возжжеся свеща, — возопи священник, — / радость величайшую светящи в храме; / души пророческия да срадуются мне, / яко преславная зряще, совершаемая в дому Божии, / и да вопиют присно: / благословите, вся дела Господня, Господа.

Ин

Ирмос: **Егоже** ужасаются Ангели и вся воинства, / яко Творца и Господа, / пойте, священницы, прославите, отроцы, / благословите, людие, / и возносите во вся веки.

Веселится днесь светло Иоаким, / и Анна непорочная Господу Богу приносит жертву, / данную ей от обещания Святую Дщерь.

Хвалятся святии Давид и Иессей, / и Иуда чтится, / из корене бо их израсте плод — Дева Чистая, / из Неяже родися Бог Превечный.

Мария Пречистая и одушевленная скния / приводится днесь в дом Божий, / и прие́млет Сию Захария руками, / яко освященное сокровище Господне.

Яко дверь спасительную и гору мысленную, / яко лествицу одушевленную, почтим, вернии, войстинну Деву и Матерь Божию, / благословенную руками иереев.

Пророцы, апостоли и мученицы Христовы, / Ангелов чини и вси земнороднии, почтим пёсньми Деву Чистую, / яко благословенную Матерь Высочайшаго.

В храм Тя принесоша, Всенепорочная Чистая, / Божественне ро́ждшии Тя, яко жертву чисту, / и странно водворяешися в неходимых Богу / предуготоватися в жилище Слово.

Благословим Отца, и Сына, и Святаго Духа — Господа.

Трѡицен: Да поётся Трисвятѣй Отѣц, и Сын, и Дух Святѣй, / Нераздѣльная Единица, Еди́но Божество, / держащее длáнию всю тварь во вся вѣки.

И ны́не:

Безнача́льное начина́ется Сло́во плóтию, / родився, я́ко благоволи́, / Бог же и Человѣк из Отрокови́цы Дѣвы, / возсозида́я ны, прѣжде падш́ия, / ради́ крайняго благоутрѡб́ия.

Хва́лим, благослов́им, покланя́емся Гóсподеви, пою́ще и превозно́сяще во вся вѣки.

Катава́сия: Ч́уда преестѣственнаго / росода́тельная изобрази́ пещь о́браз: / не бо, я́же при́ят, пали́т ю́ныя, / я́ко ниже́ огонь Божества́ Дѣвы, / в Ню́же вни́де утрѡбу. / Тем, воспева́юще, воспо́ем: / да благослови́т тварь вся Гóспода / и превозно́сит во вся вѣки.

На девятой пѣсни Честнѣйшую: **не поём, но поём припѣвы прáздника:** А́нгели, вхожде́ние Преч́истыя зря́ще, удиви́шася: / ка́ко Дѣва вни́де во святáя святыхъ? **И посѣм ирмо́с:** Я́ко одушевлѣ́нному Бóжию кивѡ́ту:

Та́же вторы́й лик поёт то́йже припѣв прáздника и ирмо́с. И на кийждо тропáрь пою́т припѣвы прáздника, на оба ли́ка.

Песнь 9

Ирмо́с: Я́ко одушевлѣ́нному Бóжию кивѡ́ту / да ника́коже ко́снется рука́ сквѣрных, / устне́ же вѣрных Богорóдице немóлчно, / глас А́нгела воспева́юще, с радóстию да вопи́ют: / и́стинно вѣ́шши всех ес́и, Дѣво Ч́истая. Два́жды.

А́нгели, вхожде́ние Всеч́истыя зря́ще, удиви́шася: / ка́ко со сла́вою вни́де во святáя святыхъ?

Я́ко пресвѣтлую, Богорóдице Ч́истая, душе́вныя чистоты́ иму́щи добрѡту, / благода́тию же Бóжиею исполня́ема с Небесé, / Свѣтом Присносу́щным просвещáеши всегда́ с весéлием вопи́ющия: / и́стинно вѣ́шши всех ес́и, Дѣво Ч́истая.

А́нгели, вхожде́ние Дѣвы зря́ще, удиви́шася: / ка́ко пресла́вно вни́де во святáя святыхъ?

Прелета́ет, Богорóдице, Ч́истая, ч́удо Твое́ с́илу словéс: / тѣло бо в Тебѣ пора́зумева́ю па́че сло́ва, /

течѣния греховнаго неприятно./ Тѣмже благодарственно вопію Ти:/ ѿстинно вѣшши всех еси, Дѣво Чистая.

~~Ангели и человецы, Дѣвы вхождѣние почтим,/ ѿко со славою вниде во святая святых.~~

Преславно прообразоваше, Чистая, закон Тя скинию и Божественную стамну,/ странен кивот, и катапетасму*, и жезл,/ храм неразрушимый и дверь Божию./ Тѣмже научают Тебѣ звати:/ ѿстинно вѣшши всех еси, Дѣво Чистая.

~~Ангели, вхождѣнне Дѣвы зряще, удивившася:/ како Богоугодне вниде во святая святых?~~

Песнопой Тебѣ,/ провозглашаше Давид, глаголя Тя Дщерь Цареву,/ красотю добродѣтелей, одесную предстоящую Бога, вѣдев Тя упещрену./ Тѣмже, пророчествуя, вопияше:/ ѿстинно вѣшши всех еси, Дѣво Чистая.

~~Ангели, възгряйте со святыми, дѣвы, сличовствуйте:/ Богоотроковица бо вниде во святая святых.~~

Богоприятну предзря, Соломон проповѣда Тя одр Царев,/ живый источник запечатствован,/ из негоже немутная нам произыде вода, вѣрою вопіющим:/ ѿстинно вѣшши всех еси, Дѣво Чистая.

Ангели и человецы, Дѣву пѣсньми да возвеличим:/ Боголѣпно бо вниде во святая святых.

Подавши дарований Твою тишину, Богородице, души моей,/ точащи жизнь Тебѣ чтущим по долгу,/ Сама защищаючи, и покрываючи, и соблюдаючи вопіти Тебѣ:/ ѿстинно вѣшши всех еси, Дѣво Чистая.

Таже первый лик поет втораго канона припев праздника:

Величай, душе моя,/ приведенную во храм Господень и благословенную руками иереевыми.

И посем ирмос: Светоносный облак: и второй лик поет тойже припев праздника и ирмос, и на тропарех поем тойже припев праздника.

Ин

Ирмос: Светоносный облак, в оньже всех Владыка,/ ѿко дождь с небес на руно, снѣде/ и

* катапетасма — завеса

воплотися нас ради,/ быв Человѣк, Безначальный./ Величаем вси яко Матерь Бѣга нашего Чистую. Дважды.

Припѣв: Величай, душѣ моя,/ приведенную во храм Господень и благословенную руками иереевыми.

Из праведных произыде Иоакима и Анны/ обещанія плод — Богоотроковица Марія/ и, яко кадило приятно, плотию младенствующи,/ приводится во святилище святѣе/ яко Святая во святых обитати.

Младенствующую естеством и паче естества являющуюся Матерь Бѣжую восхвалим пѣсньми:/ во храм бо законный Господу днесь приводится в воню благовоныя,/ праведных яко плод духовный.

Со Ангелом, еже радуйся, Богородице приличне возопийм, вернии:/ радуйся, вседѣбрая Невѣсто;/ радуйся, облаче светлый, из негоже нам возсия Господь, во тмѣ невѣдения сѣдѣщим;/ радуйся, всех Надѣждо.

Святых святая и Богомати Маріе,/ молитвами Твоими, Чистая, свободи ны от сѣтей вражиих/ и всякия ереси и скорби,/ верно покланяющияся образу святаго Твоего зрака.

Песнь достойную Богородице вся тварь со Ангелом Гавриилом взывает, вопиюще:/ радуйся, Мати Бѣжая Всенепорѣчная,/ Ёюже избавихомся первыя клятвы,/ бывше нетленія общницы.

Херувим преболюши, и Серафим вѣпши,/ и ширши Небес явилася еси, Дѣво,/ яко Невместнаго всеми во утробѣ вместивши, Бѣга нашего,/ и рѣдши несказанно:/ Егѣже моли прилѣжно о нас.

Трѣицѣн:

Припѣв: Величай, душѣ моя,/ Троицѣснаго и Нераздельнаго Божества Державу.

Троицѣсное естество, и Нераздельную славу,/ и в Божествѣ Едином поемую непрестанно на Небесѣх и на земли/ Троицу Неразлучную прославим,/ с Сыном Отцѣх и Духу покланяющеся благочестно.

Богородичен:

Припев: Величай, душе моя, / Честнейшую и Славнейшую Горних воинств, Деву Пречистую, Богородицу.

Под Твое благоутробию прибегающия верно / и поклоняющияся благочестно Сыну Твоему, Дево Богородительнице, / яко Богу и Господу мира, / молися от тли и бед избавити и всяческих искушений.

Таже оба лика, вкупе сошедшеся, поют припев 1-го канона: Ангели, вхождение Пречистыя зряще:

И посем ирмос: Таинство странное вижу и преславное: / Небо — вертеп, Престол Херувимский — Деву, / ясли — вместилище, / в нихже возлежит Невместимый — Христос Бог, / Егоже, воспевающе, величаем.

Светилен.

Подобен: Жены, услышите:

Юже древле предвозвести пророческое словие, / стагну, и жезл, и скрижаль, и несекому гору, / Марию Богоотроковицу верно да восхвалим: / днесь бо вводится во святая святых воспитатися Господу.

Трижды.

На хвалитех стихир на 4, глас 1.

Подобен: Небесных чинов:

Свещеносицы девы, / Приснодеву светло провозжающе, / пророчествуют истинно Духом будущее: / храм бо Божий Богородица сущи, / в храм со славою девственною, / младенствующи, вводится.

Обещания святого и плод благославный / Богородица воистинну явися миру, / яко всех превышшая: / Яже благочестно приводима в храм Божий, / молитву рождших исполняет, / соблюдаема Божественным Духом.

Небесным воспитана, Дево, хлебом / верно в храме Господни, / родила еси миру Жизни Хлеб, Слово, / Емуже, яко храм избранный и всенепорочный, / предобручилась еси Духом таинственно, / обручена Богу и Отцу.

Да отверзется дверь Богоприятного храма: / храм бо всех Царя и Престол, / днесь со славою внутрь прием, / Иоаким возлагает, освятив Господу / от Него избранную в Матерь Себе.

Сла́ва, и ны́не, глас 2.

Леон́та май́стора:

Днесь в храм приво́дится Всенепоро́чная Де́ва, / во оби́телище Всеца́ря Бо́га / и всея́ жи́зни на́шей Пита́теля; / днесь Че́стнейшая Святы́ня, / я́ко триле́тствующая Ю́ница, / во свята́я святы́х вво́дится; / Той возопи́м, я́ко А́нгел: / ра́дуйся, Еди́на в жена́х Благосло́венная.

Славосло́вие вели́кое и отпу́ст.

Зри Зна́менуются же бра́тия от иере́я святы́м еле́ем. И поём стихи́ру самогла́сну пра́здника, ю́же хо́щет екклеси́арх.

НА ЛИТУРГИИ

Блаже́нны от канона́, песнь 3-я 4-го гласа и 6-я, 1-го гласа на 8. По вхо́де тропа́рь пра́здника. Сла́ва, и ны́не, конда́к. Прокі́мен, глас 3. Песнь Богоро́дицы: Вели́чит душа́ моя́ Го́спода: Стих: Я́ко призре́ на смире́ние Рабы́ Своея́: Апосто́л ко Евре́ем, зача́ло 320. Аллилу́ия, глас 8: Слы́ши, Дщи, и виждь, / и приклони́ у́хо Твое́. Стих: Лицу́ Твоему́ помо́лятся бога́тии лю́дстии. Ева́нгелие от Луки́, зача́ло 54. Прича́стен: Ча́шу спасе́ния прииму́:

М Подоба́ет ве́дати, я́ко а́ще случи́тся пра́здник Введе́ния Богоро́дицы в неде́лю:

В СУББО́ТУ ВЕ́ЧЕРА, НА МА́ЛОЙ ВЕЧЕ́РНИ:

На Го́споди, воззва́х: стихи́ры воскре́сны гласа, 4. Сла́ва и ны́не, пра́здника, я́же на Го́споди, воззва́х: ма́лая вече́рни. На стихове́не стихи́ра воскре́сна еди́на. Та́же пра́здника стихове́на вели́кия вече́рни со стихи́ пра́здничными. Сла́ва и ны́не, пра́здника. Трота́рь воскре́сен. Сла́ва и ны́не, пра́здника. Посе́м ектений ма́лая и отпу́ст.

НА ВЕЛІ́ЦЕЙ ВЕЧЕ́РНИ:

На Го́споди, воззва́х: стихи́ры воскре́сны 3, и восточе́н еди́н, Анато́лиев, и пра́здника 6. Сла́ва и ны́не, пра́здника. Посе́м вход. Прокі́мен дне и чте́ния пра́здника 3. На литіи стихи́ры и Сла́ва и ны́не, пра́здника: Возсия́ день ра́достен: На стихове́не стихи́ры воскре́сны: Сла́ва, и ны́не, пра́здника. На благослове́нии хле́бов трота́рь пра́здника три́жды. И чте́ние в Посла́ниях апо́стольских.

НА УТРЕНИ:

На Бог Го́сподь: трота́рь воскре́сен, два́жды. Сла́ва и ны́не, пра́здника. По обы́чных кафі́змах седа́льны воскре́сны с Богоро́дичны их. И чте́ние во Ева́нгелии толко́вом. Та́же Многоми́лостиво. И тропари́ А́нгельский собо́р: Ипако́й гласа и седа́льны вси пра́здника по

единожды. Слава и ныне, праздника, иже по полиелее седален, и чтение праздника. Степенна гласа. Прокимен и Евангелие праздника. Также Воскресение Христово: псалом 50. И целование Евангелия по обычаю. Также Слава, припев праздника: И ныне, тойже. И стихира праздника. Канон воскресен со ирмосом на 4, и Богородице два, и праздника оба канона на 8. Катавасия: Христос раждает: оба лика вкупе. По 3-й песни кондак воскресен и йкос, и седален праздника дважды, и чтение праздника. По 6-й песни кондак праздника, и йкос, и чтение в пролозе. На 9-й песни припевов не поем, но Честнейшую: Светилен воскресен. Слава и ныне, праздника. На хвалитех стихиры воскресны 4 и праздника 4, со стихий праздничными. Слава, праздника. И ныне, Преблагословенна еси, Богородице Дево: Также Славословие великое. По Трисвятом тропарь воскресен точию, ектении и отпуст. Также стихира Евангельская, и оглашение, и обычное исхождение, и час 1-й в притворе. На часех тропарь воскресен. Слава, тропарь праздника. И ныне, Богородичен часов. По Отче наш: кондак воскресен. Такжеже и на всех часех кондаки, пременяюще, глаголем.

НА ЛИТУРГИИ:

Блаженны воскресны гласа на 6 и праздника песнь 3-я на 4. По входе тропарь воскресен и праздника. Слава, кондак воскресен. И ныне, праздника. Прокимен, Апостол, аллилуия, Евангелие и причастен прежде дне, и праздника.

М Подобаёт ведати, аще случится попразднство Входа Богородицы в неделю и святой празднуется на 4 или на 6:

НА МАЛОЙ ВЕЧЕРНИ:

В субботу вечера стихиры воскресны и Богородице, по обычаю.

НА ВЕЛИЦЕЙ ВЕЧЕРНИ:

По стихословии, на Господи, возвах: стихиры воскресны 3, и восточен един, Анатоліев, и праздника 3, того дне рядовыя, и святого Миней 3. Аще ли поётся святой на 6 или емуже и полиелей и поем стихиры воскресны 3, и праздника 3, и святого 4. Слава, святого. Аще же ни, Слава, праздника. И ныне, Богородичен 1-й гласа. Вход. Прокимен дне. На литии стихиры праздника, того дне стиховныя, и святого, аще полиелей. Слава, и ныне, праздника. Аще ли имать святой Славу: Слава, святого. И ныне, праздника. На стиховне стихиры воскресны. Слава, святого, аще есть, аще ли ни, Слава, и ныне, праздника. На благословении хлебов тропарь: Богородице Дево: дважды и праздника, единожды.

НА УТРЕНИ:

На Бог Господь: тропарь воскресен дважды. Слава, святого, аще есть. Аще ли ни, Слава, и ныне, праздника. По кафизмах седальны воскресны с Богородичны их и

чтѣніе во Евангелии толковом. Полиелѣй и тропарі: **Ангельскій соборъ: инакой, степенна и прокімен гласа. Евангеліе воскресно, и стихіра воскресна, и прочее воскресно. Канон воскресен, со ирмосом на 4, и Богородице на 2, и праздника на 4, и святѣго на 4. Аще полиелѣй, канон воскресен со ирмосом на 4, и праздника на 4, и святѣго на 6. Катавасія: Христосъ раждается: По 3-й пѣсни кондакъ праздника и йкос, и святѣго, аще имать, и седален святѣго, Слава, и ныне, праздника, и чтѣніе. По 6-й пѣсни кондакъ воскресен и йкос, и чтемъ пролог. На 9-й пѣсни поемъ: Честнейшую: Светилен воскресен. Слава, святѣго, аще имать. Аще ни, Слава, и ныне праздника. На хвалитех стихіры воскресны 4 и праздника со славным 4, стиховныя утреннія, со стихі праздника. Аще имать святѣй стихіры на хвалитех, и поемъ стихіры воскресны 4 и святѣго со славным 4, с припѣвы егѣ. Слава, стихіра Евангельская. И ныне, Препоблагословенна еси, Богородице Дѣво: Славословіе великое. По Трисвятѣмъ тропарь воскресен точию. И ектений, и отпу́ст, и оглашѣніе, и обычное исхождѣніе в притворъ. Тѣже час 1-й, на 1-мъ часѣ тропарь воскресен. Слава, тропарь праздника. И ныне, Богородичен часѣвъ. По Отче наш: кондакъ праздника. На 3-мъ часѣ тропарь воскресен. Слава, святѣго. И ныне, Богородичен часѣвъ. По Отче наш: кондакъ воскресен. Такожде и в прочія часѣ глаголемъ воскресный тропарь всегда съ праздничнымъ, и со святѣго тропаремъ прменяюще, аще есть. А кондакъ воскресен и праздника глаголемъ, прменяюще, аще полиелѣй и святѣго.**

НА ЛИТУРГІИ:

Блаженны гласа на 6 и праздника рядовая пѣснь на 4. Аще ли имать святѣй пѣснь во уставѣ: и воскресна на 4, и праздника пѣснь рядовая на 4, и святѣго пѣснь 6-я на 4. По входе тропарь воскресен, и праздника, и храма святѣго, и святѣго, аще имать. Тѣже кондакъ воскресен. Слава, святѣго, И ныне, праздника. Аще ли не имать святѣй тропаря и кондака: Слава, кондакъ воскресен, И ныне, кондакъ праздника. Прокімен, Апостол, аллилуія, Евангеліе и причастен дне и святѣго, аще имать, аще ли ни, то ряд недѣли едѣн.

Вѣстно буди, яко празднуется праздник сей дней 5.

Введение во храм Пресвятой Владычицы нашей Богородицы. Праздник Введения во храм Пресвятой Богородицы — предвозвѣстие благоволенія Божія къ человѣческому роду, проповѣдь спасенія, обетованіе Христова пришествія.

Велик и знаменателен настѣящій день в жизни Богоматери, ставшій предзнаменованіемъ того, что Пресвятая Дева будет поставлена

превыше не только святыхъ, но даже Ангелов. Херувимов и Серафимов.

Божественный Промысл остается непостижимымъ Начальствамъ и Властямъ на Небесахъ, только черезъ Церковь они познаютъ, в чемъ состоитъ домостроительство тайны, сокрывавшейся отъ вѣчности в Богѣ.

Праздник Введения Пресвятой Богородицы во храмъ возникъ на основаніи Церковнаго преданія, дабы

пролить свет на «исполнение Зиздигтелева смотра» (тропарь праздника), совершившееся на этот раз в предизбранной Деве, посвятившей Себя служению Богу. Церковь нарушает молчание Священного Писания, раскрывая неисповедимые пути Господни, которые готовят Вместилище для Божественного Слова: «от пророков проповеданную и в храм приведенную прежде век пронареченную Матерь и в последние лета являющуюся Богородицу» (стихира на литии), Которая «вводится днесь» во святая святых как «священное сокровище славы Божией».

Введение во храм Пресвятой Богородицы совершилось, по Церковному преданию, следующим образом. Родители Девы Марии, праведные Иоаким и Анна, молясь о разрешении неплодства, дали обет, если родится дитя, посвятить его на служение Богу. Когда Пресвятой Деве исполнилось три года, святые родители решили выполнить свое обещание. Собрав родственников и знакомых, одев Пречистую Марию в лучшие одежды, с пением священных песен, с зажженными свечами в руках привели ее в Иерусалимский храм. Там встретил Богоотроковицу первосвященник со множеством священников. В храм вела лестница в пятнадцать высоких ступеней. Младенец Мария, как только Ее поставили на первую ступень, укрепляемая силой Божией, быстро преодолела остальные ступени и взойшла на верхнюю. Затем первосвященник Захария, по внушению свыше, ввел Пресвятую Деву в святое святых, куда из всех людей только раз в году входил первосвященник с очистительной жертвенной кровью. Все присутствовавшие в храме дивились необыкновенному событию.

Праведные Иоаким и Анна, вручив Дитя воле Отца Небесного, возвратились домой.

Глубокой тайной покрыта земная жизнь Пресвятой Богородицы от младенчества до вознесения на Небо. Сокровенна была и Ее жизнь в Иерусалимском храме. «Если бы кто спросил меня,—говорил блаженный Иероним,—как проводила время юности Пресвятая Дева,—я ответил бы: то известно Самому Богу и Архангелу Гавриилу, неотступному хранителю Ее».

Но в Церковном предании сохранились сведения, что во время пребывания Пречистой Девы в Иерусалимском храме она воспитывалась в обществе благочестивых дев, прилежно читала Священное Писание, занималась рукоделием, постоянно молилась и возрастала в любви к Богу.

Каждая душа христианская может находить в храме такое же блаженство, какое находила в нем Пресвятая Дева, введенная в храм Господень с юных лет.

Грех удаляет нас от Бога и лишает Его благоволения. Но чрез посещение храма мы опять приближаемся к Богу и привлекаем к себе Его Небесную милость. В святых храмах обитает Сам Бог, а вместе с Ним—все Ангелы и святые. Небожители являются защитниками и покровителями нашими. Они своими молитвами помогают нам и испрашивают все необходимое для жизни и благочестия. Молитвами, чтением или слушанием Слова Божия мы входим в общение с Богом и беседуем с Ним. В особенное, таинственное общение с Иисусом Христом, нашим Искупителем, мы входим чрез совершаемое в храме таинство Причащения. В храмах, особенно во время Богослужений, приносятся молитвы о прощении наших грехов. В храмах примиряемся мы с Богом, приносим раскаяние во грехах и получаем прощение. Как бы ни были тяжки грехи наши, но благодать Божия врачует любую немощь. Из церковной лечебницы никто не выходит без исцеления, если захочет того сам страждущий и будет приносить искреннее покаяние. С отпущением грехов естественно возвращается мир душевный. Здесь одно спасительное слово и одно сердечное сокрушение о грехах может произвести удивительную перемену в человеке и сделать его из грешного праведным.

Здесь, пред Престолом Всевышнего, наши молитвы соединяются с молитвами святых. Особенной Ходатаицей и Молитвенницей нашей является Пресвятая Богородица. Она с трех лет находилась при храме Божию до того времени, пока не сделалась избранным орудием спасения всего мира. Возлюбившая святой храм, Она с радостью помогает всем, приходящим в него для молитвы.